

HAZKUNDEA. Kontsumoa eta esportazioak jaitsi dira gehienbat

Nafarroako hazkunde ekonomikoa moteltzen ari dela onartu du Gobernuak

Urtea %3ko hazkundearekin bukatuko dela iragarri du Iribarrenek

Irene Arrizurieta | IRUÑEA

Aurtengo hirugarren hiruhilekoan moteldu egin da Nafarroako hazkunde ekonomikoa. Kontsumoa jaitsi egin da eta esportazioek behera egin dute. Dena dela, UPNren Gobernuak baikor da eta urtea %3ko hazkundearekin bukatuko dela uste du, hau da, iragan urtean baino puntu bat gutxiago. Aldi berean, Estatu Batuetan %0,8koa eta Alemanian %0,3ko dela ohartarazi du.

Nafarroako ekonomiak «euskarri onak» dituela frogatzen ari dela uste du Francisco Iribarren Ekonomia kontseilariak. Gobernuak uztailetik irailera bitartean garapen ekonomikoari buruz egindako azterketaren arabera, ekonomiaren moteltzea «nabariagoa» da eta enplegu gutxiago sortzen ari da, %3,8an mantentzen den arren.

Duela urte batetik hona nabaritzen hasia den hazkundearen moteltzeak eragina izan du bereziki kontsumoan eta talde ondareen inbertsioan. Alta, erakuntzan inbertsioa mantendu egiten da. Esportazioak ere nabarmen jaitsi dira. Urteko lehen hiruhilekoan %18 igo baziren ere, etengabe jaisten joan dira eta %6an jarri dira, hau da, aurrekoaren laurdenean. Beherapena Nafarroan hain garrantzitsua den autogintzaren sektorean gertatu da esportazioak nabarmen (%3,7) jaitsi direlako. Dena dela, gainerako esportazioak %7,5 igo direla azpimarratu du Iribarrenek.

Beherapena esportazioetan ez ezik, inportazioetan ere nabaritu da. Aurtengo martxoaren



JOXE LACALLE
Francisco Iribarren Nafarroako Ekonomia kontseilaria.

bukaeran inportazio hazkundea %16,4koa izan bazen ere, urrian %9,5n geratu zen.

Produktzio eskaintzari dagokionez hazkundearen moteltzeak eragina izan du, batez ere industrian, eta gutxiago zerbitzuetan.

Enplegu gutxiago sortu da

Horrek enplegu sorreraren jaitsiera ekarri du, industrian zein zerbitzuetan. Hala, enpleguaren hazkunde eritimoa %4,8 izatetik %3,8ra jaitsi da. EParen inkestak langabezia %5,8an dagoela dioten arren (%6 iragan urtean tenore berean) Iribarrenek azpimarratu du 9.000 lan-

postu sortu direla Nafarroan. Beraz, irailaren 11ko Estatu Batuetako gertakariak eragin egoera aintzat hartuz, datua «ona» dela esan du.

Ekonomiaren moteltzeak Foru Erkidegoko ekonomiaren puntu beltzetako baten, inflazioaren, jaitsiera ekarri du. Urtearen lehen seihilabetekoan Kontsumo Prezioen Indizeak (KPI) gora egin zuen. Ekainean KPI %4,3 izan zen, irailean %3,7 besterik ez, eta urrian %3,1ra jaitsi zen, Espainiakoa baino hamarren bat gehiago, alegia. Beherapena energia gaien prezioen jaitsierak ekarri duela uste du Gobernuak.

LABURREAN

Bruselak ez du Koreako ontziolen aurkako kezarik aurkeztuko MMEren aurrean

Europako Batzordeak ez du azkenean Hego Koreako ontziolen aurkako kezarik aurkeztuko Munduko Merkataritza Erakundearen (MME) aurrean. Izan ere, Industria ministroek atzo egindako bileran ez zuten onartu Batzordeak ontziolari behin-behineko laguntza emateko egindako proposamena, eta neurri hori beharrezkotzat jotzen du Europako Batasunak Hego Korearen aurkako keza aurkeztu aurretik.

Konfiantza ekonomikoa 0,5 puntu jaitsi da azaroan, euroaren eremuan

Euroaren eremuko 12 herrialdetako konfiantza ekonomikoa neurtzen duen indizea 0,5 puntu jaitsi da azaroan eurogunean. Jaitsiera nabarmenena Alemanian izan da, 0,8koa, gero Espainian, 0,6koa, eta azkenik Frantzia, 0,4koa. Konfiantza ekonomiko gehien galdu duten sektoreak industria eta eraikuntza izan dira, 2 puntu jaitsi baita euren indizea. Kontsumitzaileen indizea era 2 puntu jaitsi da.

Abian da Azkoitiko Ugarte industria poligonoa handitzeko laugarren fasea

Azkoitiko Ugarte industria handitzeko lanak atzo hasi zituen ofizialki Urola Erdiko Industria-deak, poligonoaren zati berria izango denaren aurreneko harria ezartzeko ekitaldiarekin. Ugarte industrigunea hedatzeko laugarren fase honetan 10.461 metro karratu eraikiko ditu Urola Erdiko Industria-deak eta 5,4 milioi euro inguru kostatuko da. Eraikuntza lanak 2003. urterako amaituta egotea espero da.

SINDIKATUAK

Bankuetako baldintza eskasak enpresa estratagiaren ondorio direla salatu du LABek

Erredakzioa | BILBO

Banketxeen alorrean dauden lan baldintza eskasak salatu ditu LAB sindikatuak eta «enpresa estratagia baten ondorio zuzena» direla ziurtatu zuen atzo. LABen esanetan, «lan prekarietate handia dago banketxeetan, eta hori edozein sektoretan onartezina bada, bankuen alorrean are gehiago, inon baino irabazi gehiago baitago».

LABeko Finantza alorreko idazkari Joxean Urkiolak azaldu zuenez, banketxeen sektorean egiten diren «lan kontratu berrien ia %100 baldintza eskasetan egiten dira». Esate baterako, praktiketako kontratuen gehiegizko erabilera salatu zuen Joxean Urkiolak, «banku batzuetan, langileen %10» gisa horretako kontratuarekin dardela ziurtatuz.

Behin-behinekotasun handia

Behin-behineko kontratuen ugaritasuna ere onartezintzat jotzen LAB-Finantza-kekoek, eta bekadunekin izaten den jarrera ere bai. «Banketxeetan hartzen dituzten bekadunak doako eskulan bezala erabiltzen dituzte, oporraldietan hutsik gelditzen diren postuak betetzeko», azaldu zuen Urkiolak.

Horregatik, «halako gehiegikeriak bertan behera uzteko ordua» iritsi dela uste du LAB-Finantza-kekoek eta «enpresa estratagia penagarri honen benetako arduradunak salatzeko garaia» dela nabarmendu zuten.

Kontzientziazio kanpaina bat abian jarriko du, hortaz, sindikatu honek. «Lan baldintza eskasen erantzule diren banketxeen egoitzen aurrean kontzentrazioak egingo ditugu, jendeak argi ikus dezan nor diren. Erakunde publikoek, lan arduradunek eta bai langileek bearaiek ere, horretaz jabetzea nahi dugu», azaldu zuten.

BURTSA. Albiste onen eraginez irabaziak gailendu dira balore merkatuetan

Azokako irribarre

J. B. Andueza |

Gaur Durangon legez, munduko akzio azoketan ere irribarreak izan ziren atzo nagusi: Argentinan oraingo hondamendia saihesteagatik bat, AEBetan kaleratzeek behera egin dutelako beste bat, eta eskari ez manufaktureren NAPM indizea 41 puntutik 50era igo delako hiru-

garrena. Cisco teknologia enpresaren aurreikuspen onak egin zuten laugarren irria. Erosleak, irri eta barre, barra-barra sartu ziren akzioetara. Edurnezuri, Terra ipotxa eta BBVA %5na pasa igo ziren 1.800 milioi euroko negoziozkoaren anparan. EBZren bileran ez da aldaketarik espero. Hala ere, Argentinak ez du hobera egin.

DATUA

Iberia (+%3,92) igo egin zen atzo, baina Europar sektoreak izandako gorakada ez du aprobetxatu. British Airwaysen %8 eta Lufthansa eta Air Francen %5eko igoerak AEBetako inbertsio bankuen gomendioek eragin zituzten. SEPearen merkaturatu zenean baino %11 azpitik dago.

Bilboko 2000 indizea



Beste indizeak

New York (Dow Jones)*	10.077,66 (+%1,86)
Tokio (Nikkei)	10.713,81 (+%2,29)
Madril (IBEX-35)	8.825,50 (+%3,65)
Paris (CAC-40)	4.677,55 (+%3,27)
Londres (FTSE 100)	5.333,50 (+%2,33)
Frankfurt (DAX)	5.262,75 (+%4,96)
Milan (Mibtel)	22.980 (+%3,17)

* Egundira arte

Dibisen merkatua

	Euro bat
Pezeta	166,386
Libera	6,55
Dolarra (EEBB)	0,8919
Libra Esterlina	0,6270
100 Yen (Japonia)	1,1084